

DECANDRIA TRIGYNIA.

19

In Rhodo et Cypro insulis, locis campestribus. ☉.

*Radix* cylindracea, annua, infernè fibrosa. *Herba* glaucescens, pedalis vel altior, erecta. *Caules* plures, simplices vel subdivisi, teretes, tenuè pubescentes, geniculati, foliosi; supernè dichotomi, corymbosi; sub geniculis viscidi. *Folia* sessilia, integerrima, uninervia; superiora ovato-lanceolata, acuta, margine praecipuè scabriuscula; inferiora obovata, obtusa, connata, basin versùs subpubescentia. *Flores* e dichotomià caulis, vel apicibus ramulorum, pedunculati, erecti, rosei, parvi reverà, at in plantà spontaneà satis conspicui. *Pedunculi* uniflori, pubescentes, pilis brevissimis, recurvis. *Calyx* obovatus, albidus, decemnervis, tenuissimè pubescens, pilis erecto-adpressis, oculo nudo vix conspicuis; dentibus quinque, obtusiusculis, rubicundis. *Petalorum unguis* supernè dilatati, virescentes; *laminae* angustè obcordatae; *appendiculis* albis, bipartitis, obtusis. *Stamina* subaequalia, parùm exserta. *Germen* ellipticum, vix receptaculi proprii longitudine. *Styli* recurvi, staminibus breviores. *Capsula* ovato-subrotunda, pedicellata, dentibus sex, recurvis. *Semina* reniformia, rugosa, fusca.

- |  |                |
|--|----------------|
| a. Calyx floris.                                 | b. B. Petalum. |
| c. Stamina, pistillum, et receptaculum proprium. | d. Pistillum.  |
| e. Calyx fructus.                                | f. Capsula.    |
| g. G. Semen.                                     |                |

TABULA 427.

SILENE ORCHIDEA.

SILENE petalis quadrilobis; appendiculo bipartito acuto, calyce clavato, foliis ovatis, floribus corymbosis fastigiatis.

S. orchidea. *Linn. Suppl.* 241. *Willden. Sp. Pl.* v. 2. 705. *Ait. Hort. Kew. ed. 2.* v. 3. 94.

S. Atocion. *Jacq. Hort. Vind.* v. 3. 19. t. 32. *Murr. in Linn. Syst. Veg. ed. 14.* 421.

*Lychnis graeca bellidis folio verna, flore parvo dilutè purpurascente. Tourn. Cor.* 24.

In Cypri campestribus, Maio florens. ☉.

*Radix et habitus* praecedentis; at *herba* magis evidentèr pubescens, laetè virens, nec glauca.

*Folia* aliquantulum latiora, margine scabra. *Corymbi* dichotomi, fastigiati, multiflori, pubescentes. *Calyx* elongatus, clavatus, pubescens, venosus, rubicundus, vel sanguineus. *Petalorum unguis* albidus, sursùm latiores; *laminae* roseae, quadripartitae; lobis terminalibus obtusis; lateralibus angustioribus, acutis; *appendiculae* albae, bipartitae, acutae, parvae. *Stamina* vix exserta. *Receptaculum proprium* germine triplò longius. *Capsula* pedicello brevior, ovato-subrotunda, nitida, tenuis, dentibus sex, revolutis. *Semina* nigricantia, subrotunda, umbilicata, undique seriàtìm denticulata.

- |           |                         |               |
|-----------|-------------------------|---------------|
| a. Calyx. | b. Flos calyce orbatus. | c. Pistillum. |
|-----------|-------------------------|---------------|